



Općinski sud Sarajevo  
065-0-Reg-13-001306 od 30.04.2013.g.  
PDV broj: 200630090001  
Žiro račun: 102-050-00001113-54 Union banka d.d. Sarajevo

Vrsta dok.	Izdavač	RB	Strana
ODL	0103	04	

**ODLUKA O IZBORU NAJPOVOLJNIJEG PONUĐAČA**

Strana:  
1 od 3

Broj: 0103-777-11/17.  
Datum: 22.05.2017. godine

Na osnovu člana 64. stav 1. tačka b., člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 42. Statuta Kantonalnog javnog preduzeća za gospodarenje državnim šumama „Sarajevo-šume“ d.o.o. Sarajevo, broj: OPU-IP-1376/09 od 12.11.2009. godine i Zapisnika o pregledu i ocjeni ponuda Stalne komisije za javne nabavke u postupku javne nabavke roba broj: 0103-777/17 za Građevinski materijal za realizaciju projekta „Podizanje malinjaka“, Direktor KJP „Sarajevo-šume“ d.o.o. Sarajevo, donio je

**ODLUKU  
o izboru najpovoljnijeg ponuđača**

**Član 1.**

Prihvata se Zapisnik o pregledu i ocjeni ponuda Stalne Komisije za javne nabavke, broj: 0103-777-10/17 od 18.05.2017. godine i ugovor za javnu nabavku roba putem konkurentskog zatjeva za dostavljanje ponuda, i to:

- **Građevinski materijal za realizaciju projekta „Podizanje malinjaka“**

dodjeljuje se ponuđaču **„Bosnaplast“ d.o.o. Sarajevo**, kao ponuđaču koji je u predmetnom postupku javne nabavke roba dostavio ponudu u iznosu od 9.707,00 KM bez uključenih iznosa pripadajućih indirektnih poreza, odnosno PDV-a, koja zadovoljava kriterij najniže cijene, a u svemu prema Ponudi izabranog ponuđača protokolisanom pod brojem: 0103-777-4/17 od 10.05.2017. godine.

**Član 2.**

Prijedlog Ugovora o javnoj nabavci roba navedenih u članu 1. ove Odluke, dostaviće se na potpis izabranom Ponuđaču, po proteku roka od 10 dana, računajući od dana kada su svi ponuđači obavješteni o izboru najpovoljnijeg ponuđača.

**Član 3.**

Ova Odluka objaviće se na web-stranici [www.sarajevo-sume.ba](http://www.sarajevo-sume.ba), istovremeno sa upućivanjem ponuđačima koji su učestvovali u postupku javne nabavke predmetnih roba, u skladu sa članom 70. stav 6. Zakona o javnim nabavkama BiH („Službeni glasnik BiH“, broj: 39/14).

**Član 4.**

U skladu sa članom 71. Zakona o javnim nabavkama BiH, ponuđači koji su učestvovali u postupku javne nabavke roba broj : 0103-777/17 – za Građevinski materijal za realizaciju projekta „Podizanje malinjaka“ najkasnije u roku od 7 dana bit će obavješteni o rezultatima postupka, te će se istim uz obavještenje dostaviti i ova Odluka i Zapisnik sa otvaranja ponuda broj: 0103-777-7/17 od 10.05. 2017. godine.

**Član 5.**

Ova Odluka stupa na snagu danom donošenja i traje do 31.12.2017. godine.

**O b r a z l o ž e n j e**

Odlukom o pokretanju postupka javne nabavke roba putem konkurentskog zahtjeva za dostavljanje ponuda, broj: 0103-777-2/17 od 04.04.2017. godine pokrenut je postupak javne nabavke roba za potrebe KJP „Sarajevo-šume“ d.o.o. Sarajevo u 2017. godini putem konkurentskog zahtjeva za dostavljanje ponuda, i to: Građevinski materijal za realizaciju projekta „Podizanje malinjaka“.



Općinski sud Sarajevo  
065-0-Reg-13-001306 od 30.04.2013.g.  
PDV broj: 200630090001  
Žiro račun: 102-050-00001113-54 Union banka d.d. Sarajevo

Vrsta dok.	Izdavač	RB	Strana
ODL	0103	04	

**ODLUKA O IZBORU NAJPOVOLJNIJEG PONUĐAČA**

Strana:  
2 od 3

Ukupno procijenjena vrijednost javne nabavke predmetnih roba u vrijeme donošenja naprijed navedene Odluke iznosi 18.311,00 KM bez uključenih iznosa pripadajućih indirektnih poreza, odnosno PDV-a. Postupak je proveden sa objavom Obavještenja o javnoj nabavci roba na Portalu javnih nabavki, broj: 1177-7-1-64-3-48/17 od 03.05.2017. godine.

U skladu sa članom 7. naprijed navedene Odluke, Služba za marketing i komercijalne poslove Preduzeća uputila je zahtjeve za dostavljanje ponuda, broj: 0103-777-3/17 od 19.04.2017. godine odnosno Tendersku dokumentaciju broj: 0103-777-3/17, sljedećim ponuđačima roba:

1. „Penny Plus“ d.o.o. Sarajevo,
2. „Senigor“ d.o.o. Sarajevo,
3. „Bosnaplast“ d.o.o. Sarajevo.

Postupak javne nabavke predmetnih roba provela je Stalna komisija za javne nabavke, imenovana Rješenjem Direktora Preduzeća, broj: 0103-64-1/17 od 09.01.2017. godine.

Nakon provedenog postupka javne nabavke predmetnih roba Stalna Komisija za javne nabavke dostavila je Direktor KJP „Sarajevo-šume“ d.o.o. Sarajevo Zapisnik o pregledu i ocjeni ponuda, broj: 0103-777-10/17 od 18.05.2017. godine, te kao sastavni dio istog Zapisnik sa otvaranja ponuda za javnu nabavku roba, broj: 0103-777-7/17 od 10.05.2017. godine - za Građevinski materijal za realizaciju projekta „Podizanje malinjaka“, broj: 0103-777-7/17 od 10.05.2017. godine.

U postupku po Zapisniku o pregledu i ocjeni ponuda, gornji broj i datum, utvrđeno je da je Stalna komisija za javne nabavke blagovremeno i pravilno izvršila otvaranje ponuda i ocjenu prispijelih ponuda, o čemu je sačinila Zapisnik sa otvaranja ponuda za javnu nabavku roba, broj: 0103-777/17- za Građevinski materijal za realizaciju projekta „Podizanje malinjaka“, broj: 0103-777-7/17 od 10.05.2017. godine i Zapisnik o pregledu i ocjeni ponuda broj: 0103-777-10/17 od 10.05.2017. godine, te da je uvidom u naprijed navedeno utvrđeno slijedeće:

Krajnji rok za dostavljanje ponuda bio je 10.05.2017. godine do 11:00 sati, a javno otvaranje ponuda zakazano je za isti dan, 10.05.2017. godine sa početkom u 12:30 sati u Direkciji Preduzeća, ul. Maršala Tita 7/II.

Dana 10.05.2017. godine u 12:30 sati Stalna komisija je pristupila javnom otvaranju ponuda za Građevinski materijal za realizaciju projekta „Podizanje malinjaka“, te je utvrđeno sljedeće:

- da je do roka utvrđenog zahtjevom za dostavljanje ponuda 2 (dva) ponuđača dostavila svoju ponudu, i to:
  1. „Bosnaplast“ d.o.o. Sarajevo
  2. „ITC Zenica“ d.o.o. Zenica
- da je u postupku provjere kvalifikacija ponuđača utvrđeno da su ponude dostavljene od strane kvalificiranih ponuđača koji su ispunili minimum zahtjevanih kvalifikacionih uslova utvrđenih u zahtjevu za dostavljanje ponuda odnosno Tenderskoj dokumentaciji, broj: 0103-777-4/17, te da su se u skladu sa članom 88. stav 3. Zakona o javnim nabavkama BiH stekli uslovi za izbor najpovoljnijeg ponuđača čija ponuda zadovoljava kriterij najniže cijene tehnički zadovoljavajuće ponude.

U postupku donošenja ove Odluke, posebno su cijenjene činjenice da je Stalna komisija za javne nabavke pravilno i potpuno izvršila ocjenu kvalifikovanosti ponuđača te ocjenu prispijele ponude, u skladu sa kriterijumima iz Tenderske dokumentacije, broj: 0103-777-3/17. od 17. 04. 2017. godine.

U postupku ocjene provedenog postupka, Direktor Preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Stalna komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama BiH i Tenderskom dokumentacijom, broj: 0103-777- 3/17.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:



Općinski sud Sarajevo  
065-0-Reg-13-001306 od 30.04.2013.g.  
PDV broj: 200630090001  
Žiro račun: 102-050-00001113-54 Union banka d.d. Sarajevo

Vrsta dok.	Izdavač	RB	Strana
ODL	0103	04	

**ODLUKA O IZBORU NAJPOVOLJNIJEG PONUĐAČA**

Strana:  
3 od 3

- najniže cijene, kako slijedi:

	Naziv ponuđača	Ukupna cijena ponude bez PDV-a
1.	"Bosnaplast" d.o.o. Sarajevo	9.707,00 KM
2.	„ITC Zenica" d.o.o. Zenica	12.467,30 KM

Iz naprijed navedene tabele vidljivo je da je izabrani ponuđač "Bosnaplast" d.o.o. Sarajevo, ul. Safeta Zajke 61, 71 000 Sarajevo, izabran primjenjujući kriterij najniže cijene, koja je ponuđena u iznosu od 9.707,00 KM bez uključenih iznosa pripadajućih indirektnih poreza, odnosno PDV-a, a da je ponuđač „ITC Zenica" d.o.o. Zenica dostavio ponudu i iznosu od 12.467,30 KM

Imajući u vidu sve naprijed navedeno, a u skladu sa članom 64. stav 1. tačka b. Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje ugovornom organu KJP "Sarajevo-šume" d.o.o. Sarajevo u pisanoj formi direktno ili preporučenom poštanskom pošiljkom na adresu ul. Maršala Tita 7/II, Sarajevo.

Žalba se podnosi u dovoljnom broju primjeraka, a koji ne može biti manji od 3 (tri) primjerka.



**DIREKTOR**

**mr.sci. Nermin Demirović, dipl.ing.šum.**

**DOSTAVLJENO:**

1. "Bosnaplast" d.o.o. Sarajevo, Ul. Safeta Zajke 61. 71 000 Sarajevo.
2. „ITC Zenica " d.o.o. Zenica, ul. Zmaja od Bosne bb, 72 000 Zenica.
3. Predsjedavajućem Komisije za javne nabavke
4. Sekretaru Komisije za javne nabavke
5. Službi za marketing i komercijalne poslove
6. Službi za opće, pravne i kadrovske poslove
7. Arhivi Preduzeća